

清畫家詩史

第五册

清畫家詩史戊上目

張道渥 吳博屋 成 謨 宋圻安 王志熙

陳崇本 張吉安 田克岐 俞 理 吳 炯

馮敏昌 李承道 潘庭筠 關 槐 汪 霖

華 蘭 江德量 孫 銓 王 鉅 施玉麟

金 燾 陳 汪 王肇基 張 灼 李輝仁

宋葆淳 顧 柱 丁維時 汪佳俊 陳豫鍾

陳 焯 朱輔地 胡懋猷 余 鏞 繆炳泰

石 椿 陸成棟 余鵬年 余鵬翀 李宗信

吳丁宣 汪 震 王學恪 馮履泰 陳蘊生

楊忞彭 吳文照 尤錫九 沈宗騫 余師沆

周 錡 何道生 舒 位 伊秉綬 蘇廷煜

劉鏞之 錢 楷 吳 照 孔憲培 黎 簡

吳 錦 石廷輝 書 誠 吳 履 張問陶

桂 馥 黃 鉞 丁維寧 楊漢籌 沙聲遠

施 禧 凌 霄 陸玉書 笄立樞 鄭洛英

范廷鎮 盛倬崇 蔣東陽 馮集梧 朱文治

蔡之銘 顧王霖 英 和 閻世求 程 鎖

羅 辰

清畫家詩史

上戊

寧津李濬之響泉編輯

張道渥字水屋一字封紫號竹畦又自號張風子山
西浮山人以明經官蔚州知州幼負奇氣嘗策蹇
走京師後宦遊維揚左遷入蜀得歷覽峩峩劍閣
諸勝所至與名士觴詠山水秀潤脫盡窠臼迥不
猶人有時繁益加繁有時簡而又簡畫書詩稱三
絕有水屋贖稿

題水屋吟秋圖

座中係張船山法時帆劉澄齋曹受之汪葑亭諸君羅兩峯作圖余

竹西
補竹

戊上

謀生久愧我無能
八口相依累轉增
賃屋渾忘爲寄客
攜家聊免似遊僧
閑人只合門如水
熱客那知山是冰
除却論文無箇事
烹鮮偶爾接高朋

余自揚州夢醒旅食京華性憚車馬之險出則跨

一驢舊友羅兩峯畫張風子騎驢圖題詩以戲
之越數年謫官西來驢亦從之入蜀一作俗吏
吟鞭便疎驢爲富兒所典余亦卽赴金川之役
戊午春余來成都遇驢于途驢見故主長鳴不
已如泣如訴爲之愴然動懷得詩十九首展兩

峯畫幅題之

五鈔

旅食京華七載餘，病多不患出無車。
一從拋却揚州鶴，只向金臺跨白驢。

何似雲中公子狂

何處狂公子雲中騎白驢唐人句也

軟塵踏遍四蹄香

神仙俠客家風在，果老虬髯總姓張。

猶記西山策蹇回，長鳴官路晚煙開。
灞橋風雪蘆溝月，一樣輕寒送句來。

金作雙眸玉作毛，一鳴聲澈碧雲高。
可憐若个眞英物，薄福詩人跨不牢。

送我西來萬里行，劍門細雨動詩情。
一官難免書驢券

悔歛折腰太自輕

按宋陸夔羅兩峯均有爲水屋畫細雨騎驢入劍門圖張船山太史題詩

題梁篠素白描打包行脚小照

篠素揚州名士也

閒雲孤鶴致飄然行李無多恰半肩
羅漢前身原是客英雄末路半歸禪
回頭經卷堪消日憎命文章肯怨天
憑仗白描工寫照非空非色兩能全

廢園興感

當年爭說好園亭豈料滄桑眼底經
曲徑已連平野綠積垣放入遠山青
蛇蠲遺蛻風搜瓦狐煉妖姿月滿庭
秋夜春朝誰過問牧兒拾得護花鈴

爲孫補山先生畫秋林圖

林影蕭疎山骨清關河客路認分明
生來我本多秋氣

下筆能傳落葉聲

吳博屋字補齋松陵人寄居吳郡初業寫真旁及花
鳥蒼勁有法尤善草蟲儵魚

自題水墨瓶菊

九月風高冷露華潭塘紫蟹最堪誇甕頭况又新菘熟
好擘霜螯對此花

成 諱字伯顧號惺齋大名人懷祖子乾隆甲午舉
人山水得清暉老人秀逸之致

題龔夏橋桃源圖

小徑斜開亂石頭春山春水柳邊舟垂竿兀坐誰家子

不著胸中一點愁

宋圻安字臣悅號吉山浙江建德拔貢生工書畫其
祖載善畫松以進士官眉州知府家中婦孺長幼
皆工繪事

題遠山畫

春雨洗幽壑翠光流四圍蠶叢遊子驛鳥語野人扉徑
以樹深冷帆偕雲遠飛倪迂不可作何處見天機

王志熙字維清號修竹嘉善人貢生以行草書擅名
兼工山水精鑒別有論畫百首

論畫詩二

鶴髮童顏老謫仙坐收神妙到毫巔祇應暖翠浮嵐裏
供養煙雲九十年人子

清閼尊彝嗜絕奇暮年飄泊劇堪思菰蒲漁艇龍涎細
不謁王門作畫師雲林

陳崇本字伯恭河南商邱人乾隆乙未進士官宗人
府府丞山水工淺絳宗法大癡

坡公生日覃谿先生寘酒蘇齋醉後兩峯畫像二
幀與張瘦銅各題一律卽以餞行得蘇字

鑪煙齋榜本名蘇使節端來薦筍蒲六百年過星緯爛
二三人到雪花俱遺珠編校搜冊網祖硯流傳抵畫圖

陽羨有田身計穩未教鄉夢落江湖

張吉安字廸民號蒔塘吳縣人乾隆丁酉舉人官浙
江象山知縣與王椒畦爲姻眷偶作小畫饒清逸
之致有大滌山房詩錄

桃花庵訪唐解元讀書處

風流姓字才人豔香火因緣古佛同寂寞一龕門晝掩
桃花開謝幾春風

簡椒畦

酒杯到手不成醉詩景推蓬空飽看枯木斜陽鴉數點
試拈秃筆寫荒寒

一田克岐號秀崖山西陽城諸生工詩畫嘗爲曹容圃
學使畫棗南書屋圖有秀崖小草

題壁間畫竹

憶昔秋江午夢殘萬竿風雨不勝寒只今潑墨涼生壁
猶似瀟湘客裏看

俞理字燮堂亦作雪堂號秋府別號小綠天菴主

錢塘人乾隆丁酉舉人擅古學兼工山水王尙書
宗誠錢學使學彬皆從之受業同里奚鐵生嘗爲
畫得樹茅堂圖一時題者甚衆

畫直幅贈陸古漁秀才

我愛居廬傍水村不因客至自傾尊三分睡眼書看足
一尺漁竿手把溫老樹任他風脫葉短籬偏有竹爲門
幅巾留得當時樣縱效林宗未可論

往題嚴鐵橋畫冊悵不得與定交今年自都下還
里而令兄古緣先生復歸道山展觀所圖便面
墨色猶新不勝有觸緒傷心之感

豆花籬脚蟋蟀鳴遶廊短步行重行秋風悲涼秋月白
落葉蕭蕭吹作聲古緣天竺一先生書畫妙絕我所見
把圖雪涕痛已矣今夜不寐空聽更

吳退庵學博刻杭郡詩輯慨然見惠賦長句以張

之鈔

羅絡珊瑚鐵網精盡令英氣劍光騰湖山碧草愴耆宿
風雨黃壚見友生蓮社遺篇徵慧業紗帷傳句出香名
最後錄緇流
閨秀二門鴻施不朽功無量多少才人拜九京

吳炯字秋陽自號睡庵湖南武陵布衣工詩善畫
性落拓喜度曲有古香園詩草

黃鶴樓

黃鶴樓頭秋日陰客中扶病強登臨東南野色分吳楚
江漢濤聲自古今澤國秋高紅葉少鄉關天遠白雲深
仙人玉笛無消息但聽蕭蕭萬戶砧

西園感舊詩

鈔四

研北老人湖以南名宿也烟

見末由也及解綬歸會余有邵陵役遂不果見及烟歸而老人已謝世烟與老人並世同里相隔一牛鳴地而終不得一見一夜夢遊西園西園者老人官臺灣時所築休息處也有感於瓦破垣積花殘柳廢成七絕十五首醒時錄其存者足成之以見神交如此

老屋詩魂冷孟郊至今無復此
誅茅爭如梁上紅襟燕
猶得含泥補破巢

畫舫隨風自轉移更無人理釣魚絲
却教鷗鷺來滄海
占斷庭前放鴨池

雙鶴相隨返故園滿庭風露自黃昏
飄零松頂遺巢在
竟讓鳩巢有子孫

黃蒿紫艾各懷新浪費東風發育仁牆角碧桃三五樹
可憐憔悴不成春

馮敏昌字伯求號魚山欽州人乾隆戊戌翰林改官
刑部主事工隸書嘗遍遊五嶽造巔題壁畫松竹
蘭卉蒼秀絕俗家近安南古無文士獨能讀書勵
行無師自立所纂孟縣志精確詳審有小羅浮草
堂集

過平陸謁傅相祠

逖迹同遺老旁求竹大賢傅巖圖像日殷室中興年霖
雨端由帝星辰尙在天精誠能陟降且勿託神仙

巫相看鄰壤

巫相咸父子故里近在夏縣

阿衡得替人如何先版築

且復事勞筋一代君臣契平生空乏身驅車賸遺廟感激動心神

李承道字薪傳鄞人乾隆庚子舉人官隴州知州多

惠政能詩畫瀟灑無塵俗氣

和明府錢竹初臘月八日汝上旅次見寄韻

日月湖邊水拍琴芙蓉峯下玉排簪詩情都入湘靈句
別緒偏縈叔度心驛路晴熏花纈放村橋煙溼柳絲沈
遙知到處陽春脚竹馬重聽繞郭音

潘庭筠字蘭公號德園錢塘人乾隆戊戌進士官御